

Powšitkowne WOZJEWJENJA

njedźelu, 23. junija 2019

Klášterski a swójbny swjedzeń

Z Božej mšu w 10.30 hodź. zahaji so Klášterski a swójbny swjedzeń tutu njedźelu, 23. junija, w cyrkwi kláštra Marijineje hwězdy w Pančicach-Kukowje. Po tym wočakuje wopytowarjow pisany program z mnohimi překwapjenkami. Mjez druhim budže w 13.15 hodź. koncert w klášterskej cyrkwi, kotryž wuhotuja sopranistka Katrin Pehla-Döring z Weinböhly, Marija Šoćina a Milenka Šoćic z Kukowa na pišćalkomaj kaž tež cyrkwinski hudźbnik a Klášterski organist Feliks Brojer z Budyšina na cembalu. Wosebity wjeršk budže w 15.30 hodź. koncert znateho spěwytwórcy Gerharda Schöny. Nimo svojich znatych spěwow zanjese wón na jewišću na klášterskim dworje tohorunja nowe kompozicije. Klášterski swjedzeń zakónči so w 17.30 hodź. z ekumeniskim nyšporom, kotryž změjetaj katolski farar Marko Dutschke z Choćebuza a ewangelski farar Christoph Rummel z Hodźija. Rjadnicy kláštra Marijineje hwězdy jón wobrubja.

Lětni koncert Meje lětsa na druhim městnje

Radworski Chór Meja přeprašuje wšitkich zajimcow na swój lětni koncert, kotryž wotměje so njedźelu, 30. junija, w chlódku štomow na farskej zahrodze při cyrkwi w Radworju, nic kaž hewak před Starej cyrkwičku. Wot 15.30 hodź. poskići so swačina. Koncert zahaji so w 16 hodź. Nimo Mejanow wuhotuje program chór Svatobor z českich Sušic, městačka južnje Plzenja. Wón přijědže přeni raz do Łužicy. Zhromadnje spěwajo a bjesadujo wječor wuklinči.

Swójbna njedźela w Domje biskopa Bena

Smochčanski Dom biskopa Bena přeprašuje wšitkich zajimcow njedźelu, 30. junija, wot 14 do 17 hodź. na swójbnu njedźelu. Wopytowarjow wočakuje pisany program za wulkich a małych. Mjez druhim wustupitej rejewanska skupina „Łužičanka“ a Drježdžanska bigband 50plus. Tež wšelake kreatiwne poskitki tam změja.

„Mjenje stresa – wjace wjesela“

W Smochčanskim Domje biskopa Bena wotměje so wot pónđzele do soboty, 15. do 20. julija, swójbny tydzeń pod temu „Mjenje stresa – wjace wjesela“. Nadrobne informacije zhonja zajimcy w Smochčicach pod telefonowym čislom (03 59 35) 2 23 17.

Putniska jězba do Ukrainy

Putniska jězba do ukrajskeho Lviva (pólsce Lwów, němsce Lemberg) wotměje so wot štwórtka do wutory, 8. do 13. awgusta, ze Šmitec jězbami w Radworju. Hłowne město zapadneje Ukrainy je ze swojimi stawiznami a kulturu wulce zajimawe. Wšako je w běhu svojich stawiznow přežiwiło pólske, rakuske, sowjetske a němske knjejstwo. Wobdžělmy so na swjatočnej Božej mši po grjekske-katolskim wobredze, wopytamy mniši klášter w Univje, wobhladamy sej katolsku uniwersitu, pónđžemy do opery a zetkamy so z wěriwymi woneho města. Změjemy přewod domoródnego kulturnika a duchownu podpěru Bačońskeho fararja Gerata Warnarja.

T. Kubašec